



მიმდინარე ეკონომიკური ტენდენციები

ივნისი, 2020



მოკლე შეჯამება

- სტატისტიკის ეროვნული სამსახურის წინასწარი შეფასებით, 2020 წლის მაისში, რეალური მშპ-ს ზრდის ტემპმა შეადგინა -13.5%, ხოლო პირველი პირველი კვარტლის რეალური მშპ-ს ზრდამ შეადგინა 2.2%
- წლიურმა ინფლაციამ ივნისში შეადგინა 6.1%, ხოლო საბაზისო ინფლაციამ - 6.6%
- მაისში ექსპორტი შემცირდა წლიურად 29.9 %-ით
- მაისში იმპორტი შემცირდა წლიურად 34.3 %-ით
- რეფინანსირების განაკვეთის შემცირება 8.25 %-მდე



ეკონომიკური ზრდა

2020 წლის მაისში, წლიურმა ეკონომიკურმა ზრდამ შეადგინა -13.5 პროცენტი, ხოლო 2020 წლის პირველი ხუთი თვის საშუალო მაჩვენებელი -5.4 პროცენტით განისაზღვრა. აღნიშნული მკვეთრი შემცირება გამოწვეულია ეკონომიკური აქტივობის შემცირებით, როგორც ქვეყნის შიგნით, ასევე რეგიონში COVID-19 პანდემიის გარვცელების გამო. 2020 წლის მაისში, წინა წლის შესაბამის პერიოდთან შედარებით კლება დაფიქსირდა თითქმის ყველა სექტორში. გამოქვეყნდა 2020 წლის პირველი კვარტლის მშპ-ს მონაცემები. წინა წლის შესაბამის პერიოდთან შედარებით მშპ-ს რეალურმა ზრდამ 2.2 პროცენტი შეადგინა. მშპ-ს დარგობრივ სტრუქტურაში ყველაზე დიდი წილით გამოირჩევა ვაჭრობა (13.5 პროცენტი) და უძრავ ქონებასთან დაკავშირებული საქმიანობები (12.9 პროცენტი). მაღალი ზრდა დაფიქსირდა ჯანდაცვა და სოციალური მომსახურების საქმიანობების (13.5 პროცენტი), ხელოვნება, გართობა და დასვენების (16.2 პროცენტი) დარგებში კლება დაფიქსირდა პროფესიული, სამეცნიერო და ტექნიკური საქმიანობების (-13.1 პროცენტი), საფინანსო და სადაზღვევო საქმიანობების (-6.1 პროცენტი) დარგებში.


ფასების დონე

2020 წლის ივნისის მონაცემებით, ინფლაციის დონემ 6.1 პროცენტი შეადგინა წინა წლის ანალოგიურ პერიოდთან შედარებით, რაც მიზნობრივ ინფლაციაზე მაღალია. საბაზო ინფლაცია კი შესაბამის პერიოდში 6.6 პროცენტზე დაფიქსირდა.


წლიური ინფლაციის ფორმირებაზე ძირითადი გავლენა იქონია ფასების დინამიკამ სურსათსა და უალკოჰოლო სასმელებზე (+13.6%), ავეჯი, საოჯახო ნივთები, სახლის მოვლა (+9.6%), სასტუმროები, კაფეები (+7.8%). ხოლო წლიური კლება დაფიქსირდა ტრანსპორტის (-8.6%) და დასვენება, გართობა და კულტურა (-1.1%) კატეგორიებში.

ამავე დროს, 2020 წლის ივნისში წინა თვესთან შედარებით ინფლაციამ შეადგინა -1.4 პროცენტი, რაც მნიშვნელოვნად იყო გამოწვეული სურსათსა და უალკოჰოლო სასმელების კატეგორიის ფასის (-4.8%) და ტრანსპორტზე (-3.4%) ფასების შემცირებით.


დიაგრამა 1: ეკონომიკური ზრდა



დიაგრამა 2: წლიური ინფლაცია, 2020 ივნისი




დიაგრამა 3: ინფლაციის დეკომპოზიცია, 2020 ივნისი



საბარემო გაჭრობა

დიაგრამა 4: ექსპორტის წლიური ცვლილება



2020 წლის მაისში ექსპორტი წლიურად შემცირდა 29.9 პროცენტით და გაუტოლდა 234.4 მლნ აშშ დოლარს, ხოლო იმპორტი შემცირდა 34.3 პროცენტით და გაუტოლდა 497 მლნ აშშ დოლარს, რამაც შეამცირა სავაჭრო დეფიციტი 37.8%-ით წინა წლის ანალოგიურ პერიოდთან შედარებით და გაუტოლდა 262.9 მლნ აშშ დოლარს. აღნიშნული მნიშვნელოვანი შემცირება გამოწვეულია საშინაო და საგარეო მოთხოვნის შემცირებით და რეგიონში ეკონომიკური აქტივობის შეჩერებით COVID-19 ეპიდემიის გავრცელების შედეგად.


ექსპორტისა და იმპორტის ცვლილებისას მნიშვნელოვანია რეალური ზრდისა და ფასისმიერი ეფექტის გამოყოფა. 2020 წლის მაისში ექსპორტის რეალურმა ზრდამ -32 პროცენტი შეადგინა, ხოლო იმპორტის რეალურმა ზრდამ -27.5 პროცენტი.

2020 წლის მაისში, საინვესტიციო საქონლის იმპორტი, შუალედური საქონლის იმპორტი და სამომხმარებლო საქონლის იმპორტი შემცირდა 13.6, 10.2 და 11 პროცენტით შესაბამისად.


2020 წლის მაისში სასაქონლო ჯგუფებიდან საექსპორტო ათეულში პირველი ადგილი დაიკავა სპილენძის მადნებმა და კონცენტრატებმა 42.4 მლნ. აშშ დოლარით (მთლიანი ექსპორტის 18.1 პროცენტი), მეორე ადგილზე - ძვირფასი ლითონების მადნები და კონცენტრატები 34.8 მლნ აშშ დოლარით (მთლიანი ექსპორტის 14.9 პროცენტი), ხოლო მესამე ადგილზე - ღვინო 17.7 მლნ. აშშ დოლარით (7.6 პროცენტი). უმსხვილესი საიმპორტო სასაქონლო ჯგუფი 2020 წლის მაისში შეადგინა სპილენძის მადნების და კონცენტრატების ჯგუფმა, რომლის იმპორტმა 32.9 მლნ. აშშ დოლარი და მთელი იმპორტის 6.6 პროცენტი შეადგინა. ასევე მნიშვნელოვან წილს იკავებდნენ მსუბუქი ავტომობილები 27.5 მლნ აშშ დოლარით (იმპორტის 5.5 პროცენტი) და ნავთობი და ნავთობპროდუქტები 24.5 მლნ. აშშ დოლარით (იმპორტის 4.9 პროცენტი).

2020 წლის მაისში უმსხვილეს საექსპორტო პარტნიორს წარმოადგენენ ჩინეთი (32.8 მლნ. აშშ დოლარი, მთლიანი ექსპორტის 14%), რუსეთი (31.5 მლნ. აშშ დოლარი, 13.4%) და ბულგარეთი (25.3 მლნ. აშშ დოლარი, 10.8%). ხოლო უმსხვილესი საიმპორტო პარტნიორი ქვეყნები არიან: თურქეთი (72.1 მლნ. აშშ დოლარი, 14.5%), რუსეთი (65.9 მლნ. აშშ დოლარი, 13.3%) და ჩინეთი (63.7 მლნ. აშშ დოლარი, 12.8%).

დიაგრამა 5: იმპორტის წლიური ცვლილება




დიაგრამა 6: იმპორტის ცვლილების დეკომპოზიცია



ტურიზმი

2020 წლის მაისში ტურიზმიდან მიღებული შემოსავლები 96.6 პროცენტით შემცირდა და 9.1 მილიონი აშშ დოლარი შეადგინა. აღნიშნული მკვეთრი შემცირება გამოწვეულია COVID-19 ეპიდემიის გავრცელებით გამოწვეული საზღვრების ჩაკეტვით და საერთაშორისო მოგზაურობის შეწყვეტით საქართველოს ტერიტორიაზე მარტის მეორე ნახევრიდან. 2019 წელს, ტურიზმიდან მიღებული შემოსავალი გაიზარდა 1.4 პროცენტით. აღნიშნული შეფარდებით მცირე ზრდა გამოწვეულია ივლისში დაწესებული ფრენების აკრძალვით რუსეთიდან საქართველოს მიმართულებით. თუმცა, ამავე დროს სხვა ქვეყნებიდან გაზრდილმა შემოსავალმა მოახერხა აღნიშნული უარყოფითი შოკის გავლენის შემსუბუქება. ამავე დროს, ვიზიტორთა რაოდენობა 2019 წელს წლიურად გაიზარდა 8.4 პროცენტით.


დიაგრამა 7: შემოსავალი ტურიზმიდან, მლნ აშშ დოლარი



ფულადი გზავნილები


2020 წლის მაისში წმინდა ფულადი გზავნილები 118.3 მილიონი აშშ დოლარით განისაზღვრა, რაც შეადგენს 5.6 პროცენტთან წლიურ კლებას. აღნიშნული შემცირება გამოწვეულია გზავნილების წყარო ქვეყნებში შემცირებული ეკონომიკური საქმიანობით COVID-19 პანდემიის გავრცელების ფონზე. ამის ფონზე, გზავნილები შემცირდა რუსეთიდან 46.6 პროცენტით (-10.5 პროცენტის მთლიან ზრდაში), ისრაელიდან 16.7 პროცენტით (-1.8 პროცენტის მთლიან ზრდაში). ამავე დროს, ზრდა დაფიქსირდა იტალიიდან 36.9 პროცენტით (5.9 პროცენტის მთლიან ზრდაში), საბერძნეთიდან 14.8 პროცენტით (1.9 პროცენტის მთლიან ზრდაში), უკრაინიდან 99 პროცენტით (0.9 პროცენტის მთლიან ზრდაში), გერმანიიდან 28.8 პროცენტით (0.9 პროცენტის მთლიან ზრდაში), თურქეთიდან 15.3 პროცენტით (0.6 პროცენტის მთლიან ზრდაში).

დიაგრამა 8: წმინდა ფულადი გზავნილები




ბაცვლითი კურსი

დიაგრამა 9: ნომინალური ეფექტური გაცვლითი კურსი



წყარო: საქართველოს ეროვნული ბანკი

დიაგრამა 10: რეალური ეფექტური გაცვლითი კურსი



წყარო: საქართველოს ეროვნული ბანკი

30 ივნისის მდგომარეობით, 2019 წლის 1 იანვართან შედარებით, ლარის ნომინალური ეფექტური გაცვლითი კურსი 7.7 პროცენტით არის გაუფასურებული, ხოლო 2018 წლის 1 იანვართან შედარებით კი 0.1 პროცენტით. ამავე დროს, მაისის რეალური ეფექტური გაცვლითი კურსი 6.4 პროცენტით არის გაუფასურებული წინა წლის იანვართან შედარებით და 3.1 პროცენტით გაუფასურებული 2018 წლის იანვართან შედარებით.

ივნისის ბოლოს მდგომარეობით, ლარის ნომინალური ეფექტური კურსი საშუალოვადიანი ტრენდიდან 5.3 პროცენტით არის გაუფასურებული, მაისის რეალური ეფექტური გაცვლით კურსი არის გაუფასურებული 3.9 პროცენტით საშუალოვადიანი ტრენდთან შედარებით.

ცხრილი 1: ნომინალური ეფექტური და რეალური ეფექტური გაცვლით კურსების ცვლილება

	30 ივნისი, 2020	30 ივნ 2020 - 1 იან 2019	30 ივნ 2020 - 1 იან 2018
ევრო	3.4466	▼ -18.9%	▼ -24.2%
აშშ დოლარი	3.0552	▼ -13.4%	▼ -21.6%
თურქული ლირა	0.4457	▲ 68.4%	▲ 83.8%
რუსული რუბლი	0.0437	▼ -1.6%	▼ -25.6%
ნომინალური ეფექტური გაცვლითი კურსი	118.02	▼ -7.7%	▼ -0.1%
რეალური ეფექტური გაცვლითი კურსი (მაისი, 2020)	111.99	▼ -6.4%	▼ -3.1%

წყარო: საქართველოს ეროვნული ბანკი

ნაერთი ბიუჯეტის შესრულება


2020 წლის გადასახადების იანვარ-ივნისის საპროგნოზო მაჩვენებელი 5,389.6 მლნ ლარს შეადგენს, 2020 წლის იანვარ-ივნისის ფაქტიური მაჩვენებელი დაგეგმილზე 0.7 პროცენტით მეტია, რაც 38.2 მლნ ლარს შეადგენს.

რაც შეეხება 2020 წლის ივნისს, გადასახადების ივნისის საპროგნოზო მაჩვენებელი 920.0 მლნ ლარს შეადგენს, 2020 წლის ივნისის ფაქტიური მაჩვენებელი დაგეგმილზე 4.2 პროცენტით მეტია, რაც 38.2 მლნ ლარს შეადგენს.

- საშემოსავლო გადასახადის სახით მობილიზებულია 211.5 მლნ ლარი, რაც საპროგნოზო მაჩვენებლის (209.0 მლნ ლარი) 101.2%-ია.
- მოგების გადასახადის სახით მობილიზებულია 32.7 მლნ ლარი, რაც საპროგნოზო მაჩვენებლის (50.0 მლნ ლარი) 65.4%-ია.
- დამატებული ღირებულების გადასახადის სახით მობილიზებულია 363.2 მლნ ლარი, რაც საპროგნოზო მაჩვენებლის (331.0 მლნ ლარი) 109.7%-ია.
- აქციზის სახით მობილიზებულია 141.3 მლნ ლარი, რაც საპროგნოზო მაჩვენებლის (123.0 მლნ ლარი) 114.9%-ია.
- იმპორტის გადასახადის სახით მობილიზებულია 6.4 მლნ ლარი, რაც საპროგნოზო მაჩვენებლის (5.0 მლნ ლარი) 127.7%-ია.
- ქონების გადასახადის სახით მობილიზებულია 274.2 მლნ ლარი, რაც საპროგნოზო მაჩვენებლის (262.0 მლნ ლარი) 104.7%-ია.


2020 წლის მაისში, წინა წლის ანალოგიურ პერიოდთან შედარებით, ნაერთი ბიუჯეტის შემოსავლები შემცირდა 14%-ით, ხოლო ხარჯები გაიზარდა 12%-ით. ამავე დროს, ნაერთი ბიუჯეტის საოპერაციო სალდო, რაც წარმოადგენს მთავრობის დანაზოგს, შეადგინა -113.4 მლნ ლარით, ხოლო მთლიანი სალდო განისაზღვრა -250.9 მლნ ლარით.

დიაგრამა 11: ნაერთი ბიუჯეტის შესრულება




წყარო: საქართველოს ფინანსთა სამინისტრო

დიაგრამა 12: ნაერთი ბიუჯეტის მთლიანი სალდო




წყარო: საქართველოს ფინანსთა სამინისტრო


დიაგრამა 13: პორტფელის შემოსავლიანობის მრუდი



დიაგრამა 14: საშუალო შეწონილი საპროცენტო განაკვეთი



დიაგრამა 15: ემისია და მოთხოვნა, მლნ ლარი




სახაზინო ფასიანი ქაღალდების პორტფელი

2020 წლის ივნისში ჩატარდა 4 აუქციონი ჯამური გამოშვებით 280 მლნ ლარი. აგრეთვე, ამავე თვეში განხორციელდა 2 ემისია პირდაპირი განთავსების გზით, ეკონომიკის გრძელვადიანი რესურსით უზრუნველყოფის ხელშეწყობის მექანიზმის ფარგლებში. თვის ყველა გამოშვების გათვალისწინებით საშუალო შეწონილმა საპროცენტო განაკვეთმა 9.093% შეადგინა.

გამოშვებულ იქნა 6 და 12 თვის ვადიანობის სახაზინო ვალდებულებები; 2, 5 და 10 წლის ვადიანობის სახაზინო ობლიგაციები. დაიფარა 110 მლნ ლარის მოცულობის ფასიანი ქაღალდები. საგრძნობლად გაიზარდა 10 წლიანი სახაზინო ობლიგაციების პორტფელი, რამაც გამოიწვია პორტფელში არსებული სხვა ვადიანობების პროცენტული წილის შემცირება.

2020 წლის 30 ივნისისთვის სახელმწიფო ფასიანი ქაღალდების პორტფელის 31% ფორმირებული არის იმ ფასიანი ქაღალდებით, რომელთა დაფარვის ვადა დგება მომავალი 1 წლის განმავლობაში. თვის განმავლობაში აუქციონებზე დაფიქსირებული მოთხოვნის კოეფიციენტი გასული თვის მაჩვენებელთან (მაისი 1.98) შედარებით გაიზარდა და 2.08 შეადგინა.

დიაგრამა 16: პორტფელში შემავალი ფასიანი ქაღალდების კომპოზიცია დაფარვამდე დარჩენილი ვადის მიხედვით



კერძო სექტორის დოლარიზაცია


სესხების ლარიზაციას მზარდი ტენდენცია გააჩნია. მთლიანი სესხების ლარიზაცია მნიშვნელოვანწილად განპირობებულია ფიზიკურ პირებზე გაცემული სესხების ლარიზაციით. 2020 წლის 1 ივნისის მდგომარეობით, ფიზიკურ პირებზე გაცემული სესხების ლარიზაციამ 56.8 პროცენტი შეადგინა, იურიდიულ პირებზე გაცემული სესხების ლარიზაციამ 26.7 პროცენტი, ხოლო მთლიანად სესხების ლარიზაციამ კი 41.8 პროცენტი შეადგინა.

რაც შეეხება სესხების ლარიზაციას უზრუნველყოფის მიხედვით, მზარდი ტენდენცია გააჩნია როგორც იპოთეკური ასევე სამომხმარებლო სესხების ლარიზაციას, მაგრამ სამომხმარებლო სესხების ლარიზაცია მნიშვნელოვნად აღემატება უძრავი ქონებით უზრუნველყოფილი სესხების ლარიზაციას. 2020 წლის 1 ივნისის მდგომარეობით სამომხმარებლო სესხების ლარიზაცია 86.8 პროცენტს შეადგენს, ხოლო იპოთეკური სესხების ლარიზაცია გაუტოლდა 31.5 პროცენტს.

დეპოზიტების ლარიზაციას მნიშვნელოვნად განაპირობებს იურიდიული პირების დეპოზიტების ლარიზაცია. 2020 წლის 1 ივნისის მდგომარეობით მთლიანი დეპოზიტების ლარიზაციამ 35.3 პროცენტი შეადგინა, იურიდიული პირების დეპოზიტების ლარიზაცია ამავე პერიოდში 48.1 პროცენტს გაუტოლდა, ხოლო ფიზიკური პირების დეპოზიტების ლარიზაცია - 24.6 პროცენტს.


მიმდინარე ანგარიშების ლარიზაცია 2020 წლის ივნისის დასაწყისისთვის გაუტოლდა 40.3 პროცენტს. ამავე პერიოდში მოთხოვნამდე დეპოზიტების ლარიზაცია 32.6 პროცენტია, ხოლო ვადიანი დეპოზიტების ლარიზაცია - 34 პროცენტი.

დიაგრამა 17: სესხების ლარიზაცია





წყარო: საქართველოს ეროვნული ბანკი

დიაგრამა 18: დეპოზიტების ლარიზაცია




წყარო: საქართველოს ეროვნული ბანკი

დიაგრამა 19: სესხების წლიური ზრდა



დიაგრამა 20: უძრავი ქონებით უზრუნველყოფილი სესხების წლიური ზრდა



სესხების მიმოხილვა

საკრედიტო პორტფელის წლიური ზრდა 2020 წლის 1 ივნისის მდგომარეობით 2019 წელთან შედარებით 14.8 პროცენტი შეადგინა. იურიდიული პირების სესხების წლიური ზრდა კი წინა თვესთან შედარებით 2 პროცენტული პუნქტით შემცირდა და იმავე პერიოდში 23 პროცენტს გაუტოლდა, ხოლო ფიზიკური პირების სესხების წლიური ზრდა 8.1 პროცენტს შეადგენს.

2020 წლის 1 ივნისის მდგომარეობით ეროვნული ვალუტით გაცემული სესხების ზრდამ წინა წლის შესაბამის პერიოდთან შედარებით 18.5 პროცენტი შეადგინა, უცხოური ვალუტაში გაცემული სესხების წლიური ზრდა წინა თვესთან შედარებით უცვლელი დარჩა და იმავე პერიოდში 12.3 პროცენტს გაუტოლდა.

2020 წლის მაისისთვის იპოთეკური სესხების წლიური წინა თვესთან შედარებით 1.2 პროცენტული პუნქტით შემცირდა და 20.3 პროცენტი შეადგინა. ხოლო სამომხმარებლო სესხების წლიურმა ზრდამ შეადგინა 12 პროცენტი.

დეპოზიტების მიმოხილვა


მთლიანი დეპოზიტების ზრდა 2020 წლის ივნისში 2019 წლის შესაბამის პერიოდთან შედარებით 7 პროცენტს შეადგენს, ეროვნული ვალუტით დენომინირებული დეპოზიტების წლიური ზრდა წინა პერიოდთან შედარებით 3 პროცენტული პუნქტით გაიზარდა და 10 პროცენტს გაუტოლდა, ხოლო უცხოური ვალუტით დენომინირებული დეპოზიტების წლიური ზრდა - 6 პროცენტს.

2020 წლის ივნისში ფიზიკური პირების დეპოზიტების წლიურმა ზრდამ 9 პროცენტი შეადგინა, ხოლო იურიდიული პირების დეპოზიტების წლიური ზრდა გაუტოლდა 6 პროცენტს.

მონეტარული პოლიტიკის განაკვეთი






საქართველოს ეროვნული ბანკის მონეტარული პოლიტიკის კომიტეტმა 2020 წლის 24 ივნისს რეგინანსირების განაკვეთის 25 საბაზისო პუნქტით შემცირების გადაწყვეტილება მიიღო და განისაზღვრა 8.25 პროცენტით. ეროვნული ბანკის პროგნოზით, ინფლაცია დროებითი ფაქტორების გამო, რამდენიმე თვის განმავლობაში მაღალ მაჩვენებელზე შენარჩუნდება, შემდეგ ეტაპობრივად შემცირდება და 2021 წლის პირველ ნახევარში მიზნობრივ დონემდე დავა. ეროვნული ბანკის თანახმად, შემცირების მიუხედავად, მონეტარული პოლიტიკა გამკაცრებული რჩება, რაც საშუალოვადიან პერიოდში ინფლაციის მიზნობრივ მაჩვენებელთან დაბრუნებას უზრუნველყოფს. მონეტარული პოლიტიკის კომიტეტი გამკაცრებული პოლიტიკიდან გამოსვლას ეტაპობრივად განახორციელებს და შემდგომი ნაბიჯები დამოკიდებული იქნება იმაზე, თუ რამდენად სწრაფად შემცირდება ინფლაციის მოლოდინები. მონეტარული პოლიტიკის კომიტეტის შემდეგი სხდომა 2020 წლის 5 აგვისტოს ჩატარდება.

დიაგრამა 22: ინფლაცია და მონეტარული პოლიტიკის განაკვეთი



წყარო: საქართველოს ეროვნული ბანკი


დიაგრამა 21: დეპოზიტების წლიური ზრდა



წყარო: საქართველოს ეროვნული ბანკი


საპროცენტო განაკვეთები

დიაგრამა 23: საპროცენტო განაკვეთები დეპოზიტების ნაშთებზე



წყარო: საქართველოს ეროვნული ბანკი

დიაგრამა 24: საპროცენტო განაკვეთები გაცემულ, უძრავი ქონებით უზრუნველყოფილ სესხებზე



წყარო: საქართველოს ეროვნული ბანკი

2020 წლის ივნისისთვის უცხოური ვალუტით განთავსებულ დეპოზიტებზე საპროცენტო განაკვეთმა 2.9 პროცენტი შეადგინა, ხოლო ეროვნული ვალუტით - 9.8 პროცენტს უტოლდება.

2020 წლის ივნისში იურიდიული პირები მიერ ეროვნულ ვალუტაში განთავსებულ დეპოზიტებზე საშუალო შეწონილი საპროცენტო განაკვეთი 9.7 პროცენტს გაუტოლდა, ხოლო უცხოური ვალუტით - 2.5 პროცენტს. ფიზიკური პირების დეპოზიტებზე საშუალო წლიური საპროცენტო განაკვეთები უცხოური ვალუტით განთავსებულ დეპოზიტებზე გაუტოლდა 3 პროცენტს, ხოლო ეროვნული ვალუტით - 10 პროცენტს.

2020 წლის ივნისში საშუალო წლიური შეწონილი საპროცენტო განაკვეთი მოკლევადიან სამომხმარებლო სესხებზე 20.5 პროცენტს გაუტოლდა (ეროვნული ვალუტით - 26.8 პროცენტი, ხოლო უცხოური ვალუტით - 6.1 პროცენტს).

გრძელვადიან სამომხმარებლო სესხებზე საშუალო შეწონილ საპროცენტო განაკვეთს მნიშვნელოვანწილად ეროვნულ ვალუტაში დენომინირებული სესხები განსაზღვრავს. მისი მნიშვნელობა 2020 წლის ივნისში, 16.6 პროცენტს გაუტოლდა. ეროვნულ ვალუტაში დენომინირებული სესხებზე საპროცენტო განაკვეთი 17.8 პროცენტს შეადგენს, ხოლო უცხოურ ვალუტაში დენომინირებულ სესხებზე 8.3 პროცენტს.

იურიდიულ პირებზე გაცემულ, ეროვნულ ვალუტაში დენომინირებულ იპოთეკურ სესხებზე საპროცენტო განაკვეთი 2020 წლის მაისის ბოლოს 12.2 პროცენტს შეადგენდა, ხოლო უცხოურ ვალუტით - 7 პროცენტს. ფიზიკურ პირებზე ეროვნულ ვალუტაში გაცემულ სესხებზე საპროცენტო განაკვეთი 11.9 პროცენტი შეადგენა, ხოლო უცხოურ ვალუტაში 6.2 პროცენტი.

საინფორმაციო ფურცელი

პუბლიკაცია მომზადებულია საქართველოს ფინანსთა სამინისტროს მაკროეკონომიკური ანალიზისა და ფისკალური პოლიტიკის დაგეგმვის დეპარტამენტის მიერ. პუბლიკაციაში მოყვანილი ანალიტიკური ინფორმაცია არ წარმოადგენს ოფიციალურ სტატისტიკას.

